

समा. 09.20 Hrs

Headlines

- सी.पी. राधाकृष्णन होर अज्ज मुखै दे 15में उप-राष्ट्रपति दे पद आस्तै शपथ लैंगन।
- उपराज्यपाल मनोज सिन्हा होरें समूलचै जम्मू-कश्मीर च 17 सितम्बर थमां 2 अक्तूबर तोड़ी मनाये जाने आहले “सेवा पर्व” दी तयारियें दी जायजा लैता।
- उपराज्यपाल मनोज सिन्हा होरें घोषणा कीती जे HRDS India ते जम्मू ते कश्मीर दे डिविजनल कमीशनरें बश्कार आतंकवाद, हाड़ें ते ऑपरेशन सिंदूर कन्नै प्रभावित होए दे पीढ़ितें आस्तै 1500 घरें दा निर्माण करनै आस्तै समझौते -पत्र पर दस्तख्त कीते गे न।
- बक्ख-बक्ख विधायकें मुखमंंत्री उमर अब्दुल्ला हुंदे कन्नै मलाटी कीती ते लोकें गी पेश आवा रदियें दिक्कतें-परेशानियें बारे गल्ल कीती। मुखमंंत्री होरें पदम श्री विजय चोपड़ा उंदे आसेया राहत कोष च 11 लक्ख रुपें दी मदाद करने लेई आभार बी प्रगट किता।
- जम्मू-कश्मीर च अज्ज मौसम खुशक रौहने दी पेशगोई कीती गई ऐ। मौसम विभाग नै कल बरखा बरने दी मेद जाहर कीती ते श्रीनगर थमां इत बक्खी औने लेई NH-44 पर इक्क तरफा ट्रैफिक छड़ी हौली मोटर-गड़डियें आस्तै खोली गई ऐ।

< > < > < > < > < > < >

VP –Swearing -In

सी.पी. राधाकृष्ण होर अज्ज मुखै दे 15में उपराष्ट्रपति दे तौर पर संगध लैगन। राष्ट्रपति द्रौपदी मूरमू होर राधाकृष्णन होरें गी ओहदे दी संगध दोआंगन। 9 सितम्बर गी होए दे चुना च

राधाकृष्ण होरें जित हासिल कीती ही। एन.डी.ए दे मेदवार राधाकृष्ण होरें गी 452 वोट हासल होए। उनें INIDIA ब्लाक दे मेदवार ते सुप्रीम कोर्ट दे मेदवार कोर्ट दे साबका जज बी. सुदर्शन रेड्डी होरें गी 152 वोटें कन्नै हराया हा।

<><><><><><>

LG Sewa Parv

उपराज्यपाल मनोज सिन्हा होरें इक उच्च स्तह दी बैठक लाइयै केन्द्र शासित प्रदेश च 17 सितम्बर थवां 2 अक्टूबर 2025 तगर मनाए जाने आहले सेवा पर्व लेई तयारियें दा जायजा लैता। उनें अफसरें गी हिदायत कीती जे ओह सभ्भनें दी शमूलियत ते समाज दे हर वर्ग गी विकास सरबन्धी जत्नें दे लाह हासल करोआन। सेवा दी भावना पर बल दिंदे होई उपराज्यपाल होरें मुकामी निकाएं-युवाएं ते सिविल सोसाइटी दी शमूलियत यकीनी बनाने लेई गलाया। सेवा पर्व दौरान कल्याणकारी स्कीमें-साफ-सफाई आहली मुहीम ते समुदाय तगर पुज्ज बनाने ते सभ्भनें दे बरोबर विकास ते नागरिक आधारित प्रशासन प्रति सरकार दी वचनबद्धता गी यकीनी बनाया जाग। आकाशवाणी जम्मू दे क्षेत्रिय समाचार एकांश आस्सेया बी इस सरबन्धै च खास परिचर्चाएं आहली श्रृंखला दा सरिस्ता कीता जा रदा ऐ- जेदे च साहड़े मेहमान बक्ख-बक्ख विशें पर अपने विचार सांझा करगंन।

<><><><><><>

LG MoU

उपराज्यपाल मनोज सिन्हा होरें घोषणा कीती ऐ जे HRDS India ते जम्मू-कश्मीर दे डिविजनल कमीशनर बश्कार समझौते-पत्र पर दस्तखत कीते गे न तां जे ऑरेशन सिंदूर हाल च आए दे हाड़े ते आतंकवाद करी प्रभावित लोकें लेई 15 सौ घर मुफ्त बनाए जागंन। त्रै बैडरूम आहले एह

घर आराम-सुरक्षा ते डिजिटल राबता उपलब्ध करोआगंन। HRDS India आसेया बीमा म्हीने-
म्हीने सेहत सरबंधी जांच बी उपलब्ध करोआई जाग। उपराज्यपाल होरें आक्खेया जे ढांचे थवां
उप्पर एह घर मेद-आत्म-सम्मान ते नमीं शुरुआत दा प्रतीक होगंन।

<><><><><><>

Prez JU Students

राष्ट्रपति द्रोपदी मुरमू होर कल जम्मू-कश्मीर दे नौशैहरा ते राजौरी जिले दे होरनें क्षेत्रे दे
विद्यार्थियें कन्नै नमीं दिल्ली दे राष्ट्रपति भवन च मिलियां। भारतीय सेना दे “ऑरेशन
सदभावना” दे हेठ राष्ट्र एकता दूर दे चलदे राष्ट्रपति भवन दे इस दौरें दा मकसद बन्ने आहले
इलाकें दे युवाएं दे मानसिक दरें गी बधाना ऐ ते उनेंगी भारत दी तकनीकी ऐतिहासिक ते
समृद्ध संस्कृति कन्नै परिचित करोआना ऐ, जेड़ा विकसित भारत दी भावना दा प्रदर्शन करदा
ऐ।

<><><><><><>

GST Reforms

जम्मू-कश्मीर दे बसनीकें हाल च GST दी दरें च कीती गेदी कटौती आहली घोषणा दा सोआगत
कीता ऐ। इनें कटोटियें कन्नै मध्य वर्ग गी लाह होग। अगली पीढ़ी दे GST सुधारें तैहत जरूरी
चीजें-बस्ते जियां दुद्ध, बिजन मार्के आहले चौल, कनक ते दालें गी GST थवां छूट दिती गेई
ऐ। हर चाली दी Bread गी गैर-GST Slab च रक्खेया गया ऐ जेदे कन्नै घरें च इस्तेमाल होने
आहलियां चीजां किफायती भाएं पर उपलब्ध होग। आकाशवाणी समाचार कन्नै गल्ल करदे होई
किश मुकामी लोकें इस गें दा सोआगत कीता ऐ ते आक्खेया:-....

CM Legislators

कैई विधायकें मुखमंत्रि उमर अब्दुल्ला हुंदे कन्नै राबता सार्वजनिक दफतरै च मलाटी किती ते उनें विकास मुद्दे उप्पर चर्चा कीती-जिंदा सामना ओह अपने-अपने हलकें च करका रदे न। उनें क्षेत्रें च बाढ़ करी आई दी परिस्थितियें बारे बी उमर अब्दुल्ला हुंदे कन्नै गल्लबात कीती। मुखमंत्रि होरें उनेंगी इनें विकास मुद्दें गी तौले शा तौले नबेड़ने दा ते बाढ़ दी आपदा करी औने आहली परेशानियें दे हीले लैने दा आश्वासन दिता तां जे समूलचै जम्मू-कश्मीर च विकास च बढ़ौतरी होयै। तौंआई मुखमंत्रि होरें पदमश्री विजय चोपड़ा जेड़े पंजाब केसरी-हिंद समाचार ग्रुप दे संपादक न-उंदा मुखमंत्रि राहत कोष च 11 लक्ख रपे दान करने करी शुक्रिया प्रगट कीता। उनें गलाया जे बाढ़ दे प्रभाव कन्नै पीड़ित परोआरें आस्तै दान करना उन्दी इंसानियत गी दर्शादा ऐ।

BSF Drive

राजौरी च BSF सैक्टर हैडक्वार्टर्स नै हाल च हाड़ें करी प्रभावित होए दे विद्यार्थियें दी चिकित्सिक जांच आस्तै इक निशुल्क मैडिकल जांच ते जागरूकता अभियान दा आयोजन कीता। इंगी दे सरकारी स्कूल च बच्चें दा चैक-अप किता गया ते उनेंगी जरूरी दवाइयां दिती गेइयां। उनेंगी हाड़ें दे बाद सेहत सरबंधी परेशानियें दे बारे च जागरूक बी कीता गया। BSF दी इस पैहलकदमी दी बाढ़ प्रभावित क्षेत्रें च सराहना कीती गेई। आकाशवाणी कन्नै गल्ल करदे होई BSF टीम दे हैड Dr. T. Sai Krishna होरें आक्खेया.

जम्मू-कश्मीर पुलस नै गैर कनूनी गतिविधिये च शामिल 2 आरोपिये दी सम्पत्ति गी बारामुला च जब्त कीता ऐ, जिंदी सम्पत्ति गी अटैच कीता गया ऐ उन्दी पंछान मोहम्मद मकबूल शेख ते मोहम्मद रफीक तांत्रे दे तौर पर होई ऐ। इसलै एह लोक पाकिस्तान दे नजैज कब्जे आहले कश्मीर च न। एह आरोपी UAPA ते EIMCO कनून तैहत पट्टन पुलस थाने च दर्ज मामले च मुलब्ज न ते अदालत दे हुकमै दी पालमा करदे होई एह कारवाई कीती गई ऐ। इस कारवाई कन्नै गैर-कनूनी गतिविधिये यां फही राष्ट्र विरोधी गतिविधिये च शामिल लोकें खिलाफ कारवाई प्रति प्रशासन दी वचनबद्धता दा पता लगदा ऐ।

<><><><><><>

Weather

मौसम विभाग नै आक्खेआ ऐ जे जम्मू-कश्मीर च मौसम आमतौर पर खुशक, गर्म ते उमस आहला रौहग। किश थाहरें पर हल्की बरखा जां गरज-चमक होई सकदी ऐ। जम्मू खिते दे किश जिलें च दरम्याने दर्जे दी बरखा 13 सितंबर गी बड्डलै होई सकदी ऐ ते किश थाहरें पर इस्सै रोज हल्की बरखा पौने दी मेद ऐ। 14 थमां 17 सितंबर बश्कार किश थाहरें पर हल्की बरखा ते गरज-चमक होई सकदी ऐ। किश थाहरें पर ल्हास-पस्सियां ते कुप्पड़ पौने दी मेद बी जताई गई ऐ।

<><><><><><>

Highway

तोंआई जम्मू-श्रीनगर राष्ट्र जरनैली सिड़क NH-44 पर उधमपुर दे थरड़ इलाकै च बाड़े करी होए दे ट्रैफिक उप्पर असर- हुनै तोड़ी पूरा ब्हाल नहीं होये दा ऐ। अधिकारिये सिड़क सुक्कने तोड़ी

बड़्डी गड़्डियें दी ट्रैफिक उप्पर रोक लाई ऐ ते अज्ज श्रीनगर थमां जम्मू जाने आस्तै इक्क पास्सै दी ट्रैफिक छड़ी हौली गड़्डियें आस्तै खोली गई ऐ। हौली गड़्डियें दी इक्क-पास्सै ट्रैफिक बड़्डलै 6 बजे थमां लेइयै 12 बजे तोड़ी नवयुग टनल थमां चलोग। तोंआई मुगल रोड दी गल्ल कीती जाहग ते उत्थे हौली गड़्डियें आस्तै जम्मू थमां श्रीनगर लेई बी ट्रैफिक खुल्ली दी ऐ। इस बारे होर गल्ल करदे होई SSP ट्रैफिक जरनैली सिड़क राजा आदिल हामिल गनाले होरें आक्खेया.

<><><><><><>

CS Cyber Security

मुख सचिव अटल डुल्लु होरें जम्मू-कश्मीर च साईबर सुरक्षा ऐक्शन प्लान दी अमलावरी दा जायजा लैने आस्तै उच्च स्तर दी बैठक रक्खी। उनें वैबसाईट ऑडिट, साईबर सुरक्षा दी तैनाती दे क्षमता निर्माण पैहलकदमी आस्तै संदोख जताया। उनें विभागें गी IT सम्पत्ति, सूची आस्तै e-SAM पोर्टल लागू करने च तेजिया कन्ने कम्म करने आस्तै निर्देश दिते। इस बैठक च साईबर संकटें आस्तै योजना बनाने ते सुरक्षित e-mail Ids दे इस्तेमाल करने दा बी जायजा लैता गया। मुख सचिव होरें डिजिटल सम्पत्ति दे बचा आस्तै ते शासन कौशल गी बधाने आस्तै मजबूत साईबर सुरक्षा करने उप्पर जोर भरेया।

<><><><><><>